

534

Na temelju članka 192. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde”, broj: 9/04/, Skupština bosansko-podrinjskog kantona Goražde, na sjednici održanoj 28.lipnja 2005.godine, **donijela je:**

O D L U K U
O RAZRJEŠENJU ČLANOVA VIJEĆA
JP RADIO-TELEVIZIJA BOSANSKO-
PODRINJSKOG KANTONA
GORAŽDE

Članak 1.

Razrješavaju se:

1. FEJZIĆ INAS i
2. RAMOVIĆ MUHAMED

dužnosti člana Vijeća JP Radio-televizija Bosansko-podrinjskog kantona Goražde, radi podnijete ostavke.

Članak 2.

Ovu Odluku objaviti u „Službenim novinama Bosansko-podrinjskog kantona Goražde“.

Broj: 01-40-287/05 PREDSEDATELJ
28.lipnja 2005.godine SKUPŠTINE
G o r a ž d e dr.Alija Begović,v.r.
.....

535

Na temelju članka 4. Zakona o ministarskim, vladinim i drugim imenovanjima Federacije Bosne i Hercegovine /“Službene novine F/BiH”, broj: 34/03/, članka 44. Zakona o Radio-televiziji Bosansko-podrinjskog kantona Goražde /“Službene novine Bosansko-podrinjskog kantona Goražde”, broj: 7/02/ i članka 105. i 107. Poslovnika Skupštine

Bosansko-podrinjskog kantona Goražde /“Službene novine Bosansko-podrinjskog kantona Goražde”, broj: 9/04/, Skupština Bosansko-podrinjskog kantona Goražde, na sjednici održanoj 28. lipnja 2005. godine, donijela je:

O D L U K U
O IZBORU DVA ČLANA VIJEĆA
JP RADIO-TELEVIZIJA
BOSANSKO-PODRINJSKOG
KANTONA GORAŽDE

Članak 1.

Za članove Vijeća JP Radio-televizija Bosansko-podrinjskog kantona Goražde biraju se:

1. MIRVIĆ AZRA i
2. KANLIĆ KENAN

na period do dva mjeseca.

Članak 2.

Ovu Odluku objaviti u „Službenim novinama Bosansko-podrinjskog kantona Goražde“.

Broj:01-40-286/05 PREDSEDATELJ
28.lipnja 2005.god. SKUPŠTINE
G o r a ž d e dr.Alija Begović,v.r.
.....

536

Na osnovu članka 33a Ustava Bosansko-podrinjskog kantona Goražde («Službene novine Bosansko-podrinjskog kantona Goražde, broj: 8/98, 10/00 i 5/03), **donosi m:**

U K A Z
O PROGLAŠENJU ZAKONA O
UPRAVLJANJU PRIVREDNIM
DRUŠTVIMA U BOSANSKO-
PODRINJSKOM KANTONU
GORAŽDE

I

Proglašava se Zakon o upravljanju privrednim društvima u Bosansko-podrinjskom kantonu Goražde, koji je donijela Skupština Bosansko-podrinjskog kantona Goražde na sjednici održanoj 28.juna 2005.godine.

Broj:02-02-637/05 P R E M I J E R
29.juna2005.godi. mr.Salko Obhodaš,v.r.
G o r a ž d e
.....

537

Na temelju članka 23. Ustava Bosansko-podrinjskog kantona Goražde ("Službene novine "Bosansko-podrinjskog kantona Goražde", broj:8/98 i 5/03) Skupština Bosansko-podrinjskog kantona, na sjednici održanoj dana 28. lipnja 2005.godine, **donijela je:**

Z A K O N O UPRAVLJANJU GOSPODARSKIM DRUŠTVIMA U NADLEŽNOSTI BOSANSKO - PODRINJSKOG KANTONA GORAŽDE

I - OPĆE ODREDBE

Članak 1.

Ovim Zakonom se uređuju ovlaštenja i obveze Bosansko-podrinjskog kantona Goražde (u daljnjem tekstu: Kanton) i upravljanju gospodarskim društvima (u daljnjem tekstu: društva) u kojima je u cijelosti ili djelomično utvrđen kapital u državnoj svojini.

Članak 2.

Društvima u kojima je u cijelosti ili djelimično utvrđen kapital u držav-

oj svojini smatraju se gospodarska društva koja je utemeljio Kanton ili koja su u skladu sa propisima Federacije Bosne i Hercegovine (u daljnjem tekstu: Federacija) prenesena na upravljanje Kantonu.

Vlada Kantona osobitom odlukom utvrđuje listu društava kojima upravlja ili u čijem upravljanju učestvuje Kanton.

II - UPRAVLJAČKA TIJELA DRUŠTVA

Članak 3.

U društvima u kojima postoje udjeli ili dionice čiji je vlasnik Kanton imenuju se upravljačka tijela sukladno Zakonu o gospodarskim društvima, Zakonu o javnim poduzećima u Federaciji BiH i ovom Zakonu.

Upravljačka tijela iz predbjeznog stavka su:

- Skupština društva
- Nadzorni odbor društva,
- Uprava (menadžment),
- Odbor za reviziju

Članak 4.

Kanton sukladno ovom Zakonu imenuje svoje predstavnike u Skupštinu društva u kojima je vlasniku cijelosti ili manjeg dijela, udjela ili dionica i u kojima je provedeno usklađivanje organizacije po Zakonu o gospodarskim društvima i Zakonu o javnim poduzećima u Federaciji BiH.

Članak 5.

Kanton sukladno sa ovom Zakonu imenuje svoje predstavnike u nadzo-

rnim odborima društva u kojima je većinski vlasnik udjela, odnosno dionica, i koja podliježu privatizaciji u skladu sa Zakonom o privatizaciji srazmjerno učešću vlasništva Kantona u ukupnom kapitalu društva.

Nadzorni odbori iz stavka 1. ovog članka sastavljeni su od najmanje tri, a najviše pet članova, ovisno o visini osnovnog kapitala društva i broja uposlenih radnika. Broj članova Nadzornog odbora utvrđuje se statutom društva.

Predstavnike Kantona u nadzornim odborima iz stavka 1. ovog članka imenuje i razrješava Vlada Kantona na prijedlog resornog ministra, a sukladno važećim zakonskim propisima. Rješenjem o imenovanju se određuje i predsjednik Nadzornog odbora.

Članak 6.

Nadzorni odbor predlaže Skupštini sastav odbora za reviziju.

Odjel za internu reviziju formira se u javnim poduzećima koja zapošljavaju više od 50 radnika, a u poduzećima koja zapošljavaju manje od 50 radnika formira se odbor za reviziju i angažira neovisni revizor.

Članak 7.

Kod imenovanja predstavnika Kantona predlagači i resorni ministar su dužni voditi računa da budu imenovani istaknuti stručnjaci iz istih ili srodnih djelatnosti kojima se društvo bavi.

U upravljačka tijela društva u kojima Kanton ima udjele ili dionice ne mogu biti imenovane:

- osobe koje imaju sukob interesa sukladno Zakonu o sukobu interesa.
- Osobe koje po Zakonu ne mogu biti imenovane na ovakve ili slične pozicije

Jedna osoba može biti imenovana u najviše dva upravljačka tijela.

Članak 8.

Predstavnici Kantona u upravljačkim tijelima društva imaju pravo i obvezu da obavljaju sve dužnosti i funkcije koje su zakonom predviđene za upravljačka tijela.

Pored zakonom propisanih prava i obveza, predstavnici Kantona u upravljačkim tijelima društva imaju sljedeća prava i obveze:

- da kod donošenja odluka i drugih akata u društvu kojima se utiče na vrijednost kapitala i kojima se raspolaže imovinom odnosno kapitalom društva prethodno zatraže mišljenje i suglasnost Vlade Kantona, odnosno resornog ministarstva;
- da aktivno učestvuje u pripremi strategije razvoja društva i donošenju planova i programa društva, te da o istim obave neophodne konsultacije u resornom ministarstvu;
- da najmanje jednom u tri mjeseca dostavljaju resornom ministarstvu informaciju o stanju društva;
- da dobiju naknadu za rad u upravljačkom tijelu;
- da poduzimaju i druge mjere koje im budu naložene od strane resornog ministarstva, odnosno Vlade Kantona.

Članak 9.

Predstavnici Kantona imenova-

ni u upravljačka tijela društva imaju pravo na naknadu za svoj rad.

Pravo na naknadu predstavnici Kantona ostvaruju u društvu u čijem upravljačkom tijelu učestvuju sukladno Statutu društva i ugovorima koje zaključuje sa društvom.

Iznimno, ukoliko društvo ne može osigurati isplatu naknade predstavnicima u upravljačkim tijelima, a radi se o društvu u kojem je Kanton većinski vlasnik udjela odnosno dionica, naknada će se po zahtjevu predsjednika upravljačkog tijela isplatiti na teret Kantona, ali ne u trajanju dužem od šest mjeseci. Odluku o visini i načinu isplate naknade u smislu ovog stavka onosi Vlada Kantona na prijedlog resornog ministra.

Članak 10.

Predstavnici u upravljačkim tijelima društva će biti razriješeni prije isteka vremena na koje su imenovani:

- ukoliko ne izvršavaju svoje obveze iz članka 7.ovog Zakona;
- ako podnesu ostavku;
- ako se utvrdi da je neizvršavanjem njihovih dužnosti došlo do štete po društvo ili do lošeg poslovanja društva;
- budu krivično odgovorni.

III - NEPOSREDNI NADZOR

Članak 11.

Resorna ministarstva su obvezna vršiti neposredni nadzor nad radom i poslovanjem društva u kojima Kanton ima udjele odnosno dionice.

Neposredni nadzor se vrši redovnim dostavljanjem informacija o stanju i poslovanju društava, njihovom obradom i poduzimanjem mjera na otklanjanju negativnih pojava i trendova u poslovanju društava.

Članak 12.

U okviru mjera izravnog nadzora nad radom društva resorni minister je ovlašten:

- Zatražiti od Vlade Kantona da smijeni predstavnike Kantona upravljačkim tijelima društva;
- Zatražiti od drugih vlasnika udjela odnosno dionica društva da smjene svoje predstavnike u upravljačkim tijelima društva;
- Izvršiti reviziju cjelokupnog rada i oslovanja društva radi utvrđivanja razloga lošeg poslovanja društva kao i načina raspolaganja redstvima društva;
- Zatražiti od Vlade Kantona da smijeni direktora društva, ukoliko o prethodno nije učinilo upravljačko tijelo po njegovom zahtjevu;
- Da prati pripremu društava za privatizaciju u dijelu utvrđivanja potpunog stanja društva, pripreme programa privatizacije te predlaganja metoda privatizacije;
- Da u postupku pripreme društva za privatizaciju prati i utvrđuje potrebu restrukturiranja društva radi lakšeg rovođenja prodaje, te da nadležnim tijelima društva daje prijedloge za restrukturiranje;
- Da predlaže ulaganja neophodna da bi se proces prodaje društva završio na najbrži mogući način;
- Uvesti privremene mjere za sanaciju stanja u društvu isključivanjem rada

upravljačkih tijela i postavljanjem privremenog upravitelja;

- Predložiti ladi Kantona da se pokrene stečaj društva, ako se ocijeni da ono ne može na rugi način izvršiti restrukturiranje i sanaciju poslovanja.

Članak 13.

Radi stručnog praćenja stanja u ruštvima u kojima Kanton ima udjele odnosno dionice te vršenja oslova pravljanja i restrukturiranja lada Kantona može utemeljiti posebnu genciju za restrukturiranje i upravljanje.

Odlukom o utemeljenju Agencije Vlada uređuje njene zadatke, način rada i organiziranja te izvore za financiranje njenih aktivnosti.

IV - STATUSNE PROMJENE I ZAJEDNIČKA ULAGANJA

Članak 14.

Društva u kojima Kanton ima udjele odnosno dionice mogu sukladno Zakonu vršiti statusne promjene te samostalno ili zajedno sa drugim pravnim ili fizičkim osobama iz zemlje i inozemstva utemeljivati druga gospodarska društva, na način i pod uvjetima utvrđenim ovim Zakonom.

Članak 15.

Društvo u kojem je Kanton većinski vlasnik udjela, odnosno dionica, a koje radi pokretanja novih poslova ili radi poboljšanja organizacije i fikasnosti u izvršavanju svojih ostojećih ili novih djelatnosti želi izvršiti podjelu na više društava, spojiti sa drugim društvom, pri-

pojiti se drugom društvu li promijeniti oblik organiziranja (u aljnjem tekstu: statusne promjene), dužno je pripremiti i svojiti poseban elaborat o opravdanosti statusne promjene te isti ostaviti resornom ministarstvu radi davanja mišljenja i suglasnosti.

Suglasnost za statusnu promjenu daje Vlada Kantona.

O davanju suglasnosti za tatusnu promjenu mora se odlučiti u roku od najviše 60 dana od dana dostavljanja zahtjeva. Ukoliko u tom roku nadležno tijelo ne donese odluku o suglasnosti, a prethodno nije zatražilo dodatne radnje u pripremi elaborata i drugih dokumenata potrebnih za davanje suglasnosti smatrat će se da je suglasnost data i društvo može nastaviti sa radnjama na statusnoj promjeni.

Članak 16.

Društvo u kojem je Kanton većinski vlasnik udjela, odnosno dionica, a koje radi proširenja ostojećih ili pokretanja novih poslova te radi oboljšanja organizacije i efikasnosti u izvršavanju svojih postojećih ili novih djelatnosti, želi sa drugom pravnom ili fizičkom sobom utemeljiti novo društvo zajedničkim ulaganjem stvari, novčanih sredsava ili prava, dužno je pripremiti i usvojiti poseban elaborat o opravdanosti zajedničkog ulaganja te isti dostaviti resornom ministarstvu radi davanja mišljenja i suglasnosti. Uz elaborat o opravdanosti zajedničkog ulaganja ruštvo je obvezno ostaviti i govor o zajedničkom ulaganju parafiran od svih partnera.

U slučaju da društvo kao svoj ulog u zajedničko društvo želi unijeti st-

vari koje su u njegovom vlasništvu nepokretnosti, oprema i slično), dužno je prije parafiranja ugovora o zajedničkom ulaganju i utemeljenju zajedničkog društva izvršiti procjenu tih stvari putem ovlaštenog sudskog vještaka ili na drugi način kako je to ugovorom predviđeno. Izvršena procjena mora biti sačinjena po jedinstvenoj metodologiji za procjenu stvari i prava u gospodarskim društvima koju utvrđuje Vlada Kantona.

Resorno ministarstvo je dužno donijeti rješenje o suglasnosti najkasnije u roku od 15 dana od dana prijema zahtjeva. Ukoliko u tom roku rješenje o suglasnosti ne bude doneseno, a prethodno nisu zatražene dodatne radnje u pripremi elaborata i drugih dokumenata potrebnih za davanjem suglasnosti, smatrat će se da je suglasnost data i društvo može nastaviti sa radnjama na utemeljenju zajedničkog poduzeća.

Članak 17.

Društvo u kojem je Kanton većinski vlasnik udjela odnosno dionica, a koje radi proširenja postojećih ili okretanja novih poslova te radi poboljšanja organizacije i efikasnosti u izvršavanju svojih postojećih ili novih djelatnosti, želi povećati svoj temeljni kapital upisom novih udjela odnosno dionica, dužno je pripremiti i usvojiti poseban elaborat o opravdanosti povećanja temeljnog kapitala te isti dostaviti resornom ministarstvu radi davanja mišljenja i suglasnosti.

Povećanje temeljnog kapitala društva vrši se u pravilu prikupljanjem novih udjela, odnosno emitovanjem novih dionica. Nove udjele, odnosno dionice mogu upisivati sve domaće i strane pravne i fizičke osobe sukladno zakonu.

Suglasnost na povećanje temeljnog kapitala društva daje Vlada Kantona. Vlada je dužna odlučiti o suglasnosti u roku od najviše 60 dana od dana podnošenja zahtjeva.

Ukoliko u tom roku odluka o suglasnosti ne bude donesena, a prethodno nisu zatražene dodatne radnje u pripremi elaborata i drugih dokumenata potrebnih za davanje suglasnosti, smatrat će se da je suglasnost data i društvo može nastaviti sa radnjama na povećanju temeljnog kapitala.

V - PRELAZNE I ZAVRŠNE ODREDBE

Članak 18.

Upravljanje društvima uskladit će se sa odredbama ovog Zakona najkasnije u roku od 30 dana od dana njegovog stupanja na snagu.

Članak 19.

Resorni ministri su ovlašteni po potrebi donositi posebne pravilnike i uputstva za provedbu ovog Zakona.

Članak 20.

Odredbe ovog Zakona primjenjuju se na Općine u sastavu Bosansko-podrinjskog Kantona Goražde koje imaju u vlasništvu u cjelosti ili djelimično kapital u gospodarskim društvima.

Članak 21.

Stupanjem na snagu ovog Zakona prestaje važiti Zakon o pravljaju državnim imovinom na području Bosansko-podrinjskog Kantona.

ko-podrinjskog Kantona Goražde ("Službene novine Bosansko-podrinjskog kantona Goražde" broj: 8/97 i 11/99).

Članak 22.

Ovaj Zakon stupa na snagu osmog dana od dana objavljivanja u "Službenim novinama Bosansko-podrinjskog Kantona Goražde".

Broj:01-02-293/05 PREDSJEDATELJ
30.06.2005. godine SKUPŠTINE
G o r a ž d e dr.Alija Begović,v.r.
.....

538

Na temelju članka 11. Zakona o kantonalnim ministarstvima i drugim tijelima kantonalne uprave ("Službene novine Bosansko-podrinjskog kantona Goražde", broj: 05/03) te na temelju članka 62. Zakona o srednjoj školi ("Službene novine Bosansko-podrinjskog kantona Goražde", broj: 05/04), Ministarstvo za obrazovanje, nauku, kulturu i sport Bosansko-podrinjskog kantona Goražde, **u t v r đ u j e:**

KRITERIJUME ZA PRIJEM UČENIKA U PRVI RAZRED SREDNJIH ŠKOLA BOSANSKO-PODRINJSKOG KANTONA GORAŽDE

OPĆE ODREDBE

Članak 1.

Pravo upisa u prvi razred srednjih škola imaju učenici sa završenom osnovnom školom koji nisu stariji od 18 godina te učenici koji do kraja tekuće kalendarske godine neće navršiti 18 godina života.

Članak 2.

U prvi razred srednjih škola učenici se upisuju sukladno Planu upisa učenika koji na prijedlog Ministarstva za obrazovanje, nauku, kulturu i sport donosi Vlada Bosansko-podrinjskog kantona Goražde.

Upis učenika provodi posebna komisija koju imenuje Školski odbor škole.

Rang-listu svih kandidata i spisak primljenih učenika škole su dužne objaviti na oglasnoj ploči nakon što je verificira Školski odbor škole i to za škole u kojima je predviđeno polaganje prijemnog ispita najkasnije tri dana od posljednjeg dana polaganja prijemnog ispita, a za ostale škole najkasnije tri dana od zatvaranja natječaja.

Članak 3.

Prijem-upis učenika u prvi razred srednjih škola vrši se pod istim uvjetima za sve učenike državljane Bosne i Hercegovine, povratnike iz inozemstva, kao i za strane državljane i osobe bez državljanstva sukladno Zakonu o srednjem obrazovanju.

Članak 4.

Izbor kandidata vrši se na temelju ovih kriterijuma koji su obvezno sastavni dio Natječaja za upis učenika u prvi razred srednjih škola.

Natječaj za upis učenika u prvi razred srednjih škola objavljuje se putem medija najmanje dva mjeseca prije početka školske godine.

U slučaju da u natječajnom roku iz prebjeznog stavka neke škole ne popune planirana mjesta, raspisuje se **naknadni** natječaj, najmanje 15 dana prije početka školske godine.